

介庵詞一卷

趙彥端

目錄

醉蓬萊一調
瑞鶴仙二調
看花回二調
謁金門八調
點絳脣五調
減字木蘭花六調
蝶戀花二調
浣溪沙六調
畫堂春二調
沙塞子一調
清平樂二調
訴衷情二調
茶瓶兒一調
瑞鷓鴣一調
水龍吟一調

滿江紅三調
朝中措六調
菱荷香一調
柳梢青三調
秦樓月二調
鵲橋仙四調
琴調相思引二調
虞美人三調
滴滴金二調
臨江仙二調
眼兒媚一調
千秋歲一調
祝英臺近一調
月中桂一調
如夢令二調

水調歌頭二調
新荷葉三調
垂絲釣二調
好事近八調
阮郎歸三調
菩薩蠻五調
杏花天二調
南鄉子三調
青玉案一調
鷓鴣天三調
永遇樂一調
風入松一調
五絲結同心一調
滿庭芳一調
蕊珠閣一調

宋六十名家詞

二

念奴嬌一調	憶少年一調	思佳客令一調
惜分飛一調	絳都春一調	小重山一調
隔浦蓮一調	賀聖朝一調	念奴嬌一調
點絳脣一調	轉調踏莎行一調	瑞鶴仙一調
看花回一調	好事近一調	賀聖朝一調
浣溪沙二調	菩薩蠻一調	眼兒媚一調
江城子一調	西江月一調	千秋歲一調
虞美人二調	瑞鶴仙一調	豆葉黃一調
念奴嬌一調	水調歌頭一調	臨江仙一調
喜遷鶯一調	鷓鴣天十一調	

介庵詞

宋 趙彥端

醉蓬萊（梅）

向蓬萊雲渺。姑射山深。有春長好。香滿枝南。笑人間驚早。試問寒柯。鑲冰裁玉。費化工多少。東閣詩成。西湖夢覺。幾番清曉。好是羅幃。麝溫屏暖。卻恨煙村雨愁風惱。一清芬。爲東君傾倒。待得明年。翠陰青子。蔭鳳凰池沼。更把陽和。從頭付與。繁花芳草。

滿江紅（茶園）

千種繁春。春已去。翩然無迹。誰信道。茶蘼枝上。靜中收得。曉鏡洗妝非粉白。晚衣弄舞餘衫碧。粲寶釧珠珥。不勝持。濃陰夕。金翦度。還堪惜。霜蝶睡。無從覓。知多少。清夢釀成冰骨。天女散花。無酒聖。仙人種玉。慚香德。悵攀條。記得鬢絲青。東風客。

又（錢前政廬光祖赴鼎州壽席上作）

津鼓琴琴。三老醉。知誰留得。都不記。琵琶洲畔。草青江碧。桃李春風吹不斷。煙霞秋興清無極。悵尊前。桂子有餘香。曾相識。殘雨晝。初涼夕。高燭爛。新醅白。長歌斷。歡意不如愁色。父老能尋循吏傳。關河暫枉諸侯客。待日邊。一紙詔黃飛。勝相憶。

又（汪總監席上作）

賜被熏爐。曾同見官槐重綠。時歸看綺疏疊嶂。楚腰翻曲。君過蓬山輕歲月。我懷廬阜分符竹。道別離。待得再歸來。人應俗。春欲動。陪初熟。追一笑。森三玉。且相對青眼。共裁紅燭。小語人家閑意態。淺寒都下新裝束。念平生和雨醉東風。從今足。

水調歌頭（秀州坐上作）

秋色忽如許。風露皎如空。平生青鬢餘地。老與故人同。憶得鱸魚來後。難以洞庭新橘。月墮酒杯中。賓客可人意。歌舞轉春風。坐間玉花底扇。又從容。從容更好無奈。多病已衰翁。賴有主人風味。識我少年狂態。乞與酒顏紅。一醉曉鴉起。流水任西東。

又（爲壽）

淦水定何許。樓外滿晴嵐。落霞蜚鳥無際。新酒爲誰甘。問道居鄰玉筍。下有芝田琳苑。光景照江南。已轉丹砂九。應降素雲三。憶疇昔。翻舞袖。縱劇談。玉壺傾倒香霧。黃菊釀紅柑。好在當時明月。只有爐熏一縷。緘寄可同參。賸肯南遊不。蓬海試窮探。

瑞鶴仙（爲壽）

記梁河折柳。問畫堂樂事。燕鴻難偶。十年漫回首。但亭亭紫蓋。差差南斗。傳聞小有。種桃花親。煩素手。怪歸來。道骨仙風。縹緲迥然非舊。清晝江南如畫。紫菊冬前。翠橙霜後。扁舟渡口。佳客至。奉名酒。喚青鸞起舞。雲窗月檻。一曲山明水秀。笑相看玉海。別來淺如故否。

又（饒交代沈公雅臺山寺作繼作朝中措）

攬垂楊細折。有別情遺愛。與君都說。文茵帶琬琰。是行春來處。去年阡陌。柔桑半葉。轉風光輕。
鵬秀麥。正人家共約耕相。借牛社相留客。清絕溪山。猶記脫帽吟風。倚樓招月。東君何事。將
春至。放春歇。道從今江上一花一柳。皆想油幢瑞節。縱離愁瘦減腰圍。帶金正暉。

朝中措

山礬風味更梨花。清白競春華。試問西園清夜。何如山陰人家。楚東千嶂。吳江一棹。雲路非
賒。惟有相思兩地。可憐淡月朝霞。

又

燒燈已過禁煙前。春信遞相傳。柳暗乍迷津霧。花暄欲照江天。天涯賓主。相逢老矣。一笑歡
然。晚歲許同廬社。西風不買吳船。

又（東風亭初成）

長松擎月與天通。霜葉亂驚鴻。露炯乍疑杯灑。雲生似覺衣重。江南勝處。青環楚嶂。紅半溪
楓。倦客會應歸去。一亭長枕寒空。

又

幾枝筇竹半煙雲。鐘鼓醉中聞。千點好山餘思。一灣流水能分。多情皓月。栖輪夜午。光動風

文。看取清閒賓主。猶勝富貴封君。

又（路彥豐生日）

新涼溪閣暮山重。水月共空濛。九轉不須塵外，三峯只在壺中。他年盛業，雲間可望，林下難逢。記取薌林巖洞，何如千越秋風。

又

西城煙霧一重重。瀟灑便秋風。巧妒玉人裝髻，無如禁鑰難通。新聲窈眇，怨傳楚些，嬌並吳宮。夜久三星爲粲，皓蛾寧爲君容。

新荷葉

欲暑還涼，如春有意重歸。春若歸來，任他鶯老花飛。輕雷澹雨，似晚風欺得單衣。簷聲驚醉，起來新綠成圍。回首分攜，光風冉冉，菲菲曾幾何時。故山疑夢還非。鳴琴再撫，將清恨都入金徽。永懷橋下，繫船溪柳依依。

又

雨細梅黃，去年雙燕還歸。多少繁紅，盡隨蝶舞蜂飛。陰濃綠暗，正麥秋猶衣羅衣。香凝沈水，雅宜簾幕重幃。繡扇仍攜花枝，塵染芳菲。遙想當時，故交往往人非。天涯再見，悅情話景仰清徽。可人懷抱，晚期蓮社相依。

又（秀州作）

玉井冰壺人間有此清秋。笑語雍容。令從庭戶初修。迎風待月。香凝處四捲簾鉤。月波奇觀未饒。當日南樓。聞說三吳。江湖從古風流。况有雙轡。舊譜黃閣青油。金甌屢啓。應難解久爲人留。天池波灩。可憐蘋滿汀洲。

看花回（張守生日）

注目正江湖浩蕩。煙雲離屬。美人衣蘭佩玉。澹秋水凝神。陽春翻曲。烹鮮坐嘯。清淨五千言自足。橫劍氣南斗光中。浩然三醉引雙鹿。回雁未歸書未續。夢草處舊芳重綠。誰憶瀟湘歲晚。爲喚起長風。吹飛黃鶴。功名異時。圯上家傳謝寵辱。待封留拜公堂下。授我長生錄。

又（爲壽·東巖龐蘊居士也）

愛日報疎梅動意。春前呼得。畫棟曉開壽域。度百和溫馨。霜華無力。斑衣翠袖。人面年年照酒色。環四座壁月瓊枝。恍然江縣擬鄉國。聞道撫東巖舊迹。又殊勝謝家清逸。知與桃花笑了。定何似青鳥層城消息。他年妙高峯上。優曇會堪折。擁輕軒未妨遊戲。看取朱輪十。

芰荷香（席上用韻送程德遠罷金谿）

燕初歸。正春陰暗淡。客意淒迷。玉觴無味。晚花雨退凝脂。多情細柳。對沈腰渾不勝衣。垂別袖忍見離披。江南陌上。強半紅飛。樂事從今一夢。縱錦囊空在。金碗誰揮。舞裙歌扇。故應閒瑣。

幽閨練江詩就。算機舟。豈不相思。腸斷莫訴離杯。青雲路穩。白首心期。

垂絲釣（千越亭路彥捷置酒同別富南叔）

短篷醉艤。江南秋意如水。露草星明。風柳絲柔。危檻倚爲故人宴喜。歡無幾。念青鞵紫綺。論詩載酒。猶勝心記雙鯉。倦游晚矣。雲路非吾事。湖海從君意。沙雁起。記夜闌隱几。

又

暮愁有信。全勝春夢無準。篆縷欲銷。衣粉堪認。殘夢醒。枕夜涼滿鬢。想香徑。正垂垂美蔭。晚花在否。朱闌誰與同凭。斷雲怨冷。青鳥無憑問。紅葉翻成恨。三五近。試預占破鏡。

謁金門（題扇）

朱檻曲。妝淺鬢雲吹綠。半尺鵝溪涼意足。手香霑柄玉。午夢已驚難續。說與翠梧修竹。蓬海路遙天六六。乘鸞何處逐。

又

勞顧曲。燕貢雅羞衣綠。魯酒不能無味足。小杯空薦玉。只願此懽常續。莫序水邊絲竹。明日朝參同趁六。猶期歸騎逐。

又

休相憶。明夜遠如今日。樓外綠煙村靄。花飛如許急。柳岸晚來船集。波底斜陽紅濕。送盡

去雲成獨立。酒醒愁又入。

又

春已半。繡綠新紅如換。燕子還來簾幕畔。閒愁天不管。翠被曲屏香滿。花葉彩牋人遠。鵲喜蛛絲都未判。連環空約腕。

又

春不盡。處處與情相趁。誰道劉郎家恁近。一年花不問。雙翦畫羅春勝。今夜月圓如鏡。怎得酒闌心易定。試將金液鎮。

又

春似繡。不是別離時候。滴盡黃昏殘刻漏。月高花影晝。好在畫屏金獸。深瑣粉窗蘭牖。溪水南來堪問否。幾時離渡口。

又

朱戶密。鎮鎖一庭春日。畫幕黃簾芳草碧。游蜂初未識。晚管么絃無力。青子綠陰如織。花滿深宮無路入。輪遊渾記得。

又

春意密。不受人間風日。一曲清歌雲暮碧。尊前今夜識。醉客倦吟無力。滯夢停愁相織。只道

桃源難再入。有人還問得。

柳梢青（生日）

衰翁自謫。堪笑忘了。山林閒適。一歲花黃。一秋酒綠。一番頭白。浮生似醉如客。問底事歸來未得。但願長年。故人相與。春朝秋夕。

又（庚寅生日鉛山作）

厄言日出。天上漫試。人間無術。一笑歸來。身如蟬蛻。首如龜縮。年年白酒黃花。共願我光風霽月。不道道人。駸駸老去。如何消得。

又

醺醺過也。醺醺過後。無花堪折。只有垂楊。垂楊卻作。絮驚行色。海棠半在如無。又爭倩薔薇戀得。除是東風。隨君歸問。玉堂消息。

好事近（乘風亭作）

君莫厭江鄉。也有茂林脩竹。竹外有些亭榭。置酒尊棋局。棋神酒聖各成歡。歡長更燒燭。寄語故人鵬鷄。任傾金園玉。

又（送林主簿）

君到共黃花。君去早梅將發。君不待梅歸去。問與誰同折。白頭潘令一年秋。有酒恨無客。莫

忘道山堂上。話清音風月。

又（慶儉判席上）

草草復匆匆。相見也還相憶。記取夢魂詩思。似水光山色。清音堂下一扁舟。誰主又誰客。休厭一杯相勸。看梅梢將白。

又（晚集後園）

尋得一枝春。驚動小園花月。把酒放歌添燭。看連林爭發。從今日日有花開。野水釀春碧。舊日愛閒陶令。作江南狂客。

又（白雲亭）

風露入新亭。看盡楚天秋色。行到暮霞明處。有金華僊刻。孤城喬木墮荒涼。白雲帶溪碧。喚取小舟同醉。話江湖歸日。

又（蠟梅）

一種歲前春。誰辦額黃腮白。風意只吟羣木。與此花修別。此花佳處似佳人。高情帶詩格。君與歲寒相許。有芳心難結。

又

朱戶閉東風。春在小紅纖雪。門外未寒猶暖。怪有花堪折。梨花菊蕊不相饒。嬌黃帶輕白。莫

厭醉歌相惱。是中原鄉客。

又

日日念江東。何有舊人重說。二妙一時相遇。怪尊前頭白。山城無物爲君歡。薄酒待寒月。草草數歌休笑。似主人衰拙。

點絳脣（路德友席上作）

山水鄉中。豈知還有中原笑。醉歌傾倒。記得昇平調。舊日年光。試把華燈照。心情好。有些懷抱。擬向梅花道。

又

一點青陽。早梅初識春風面。暖回瓊管。斗自東方轉。白馬青袍。莫作銅駝戀。看宮線。但長相見。愛日如人願。

又

護雨烘晴。紫雲縹緲來深院。晚寒誰見。紅杏梢頭怨。絕代佳人。萬里沈香殿。光風轉。夢餘千片。猶恨相逢淺。

又

秋入闌干。亭亭波面虹千丈。一聲漁唱。畫箇三高樣。江上風波。更泛吳松浪。寒潮漲。石魚酒

舫漫叟知何向。

又（題西隱）

好在蒼苔摩挲遺恨風還雨。一涼相與。片月生新浦。天外離居爲我蓀。橈舉山如許。故人來否。歲晚鱸堪煮。

秦樓月（詠瑞香）

香蔌蔌。小山叢桂烘溫玉。烘溫玉。酒愁花暗。沈腰如束。煩君剩與陽春曲。爲君細拂衾羅馥。衾羅馥。一幽夢與君相續。

又

梅綴雪。雪綴梅花肌膚慙。肌膚慙。豐姿濃態。瑩如玉色。歲寒期約無相缺。祥花不減晴空月。晴空月。依前消瘦還共清絕。

阮郎歸

歲寒堂下兩株梅。商量先後開。春前日繞一千回。花來春又來。冰可斷。玉堪裁。寒空無暖埃。爲君翻動臘前醅。酒醒香滿懷。

又

一春種得牡丹成。那知君遽行。東君也自沒心情。夜來風雨聲。追問闌。數清明。不應歌渭城。

只愁河畔草青青，卻須離緒生。

又（餘干留別人家）

三年何許競芳辰，君家千樹春。如今欲去復逡巡，好花留住人。紅蕊亂，綠陰勻，綵雲新。又新，只因小閣記情親，動君梁上塵。

減字木蘭花（贈摘阮者）

四絃續續，山水依然關塞足。天上新聲，謫墮人間得自名。清歌宛轉，彈向指間依舊見。滿眼春風，不覺黃梅細雨中。

又

綠陰紅雨，暗淡衣裳花下舞。花月佳時，舞破東風第幾枝。不杯相屬，從地尊前三四燭。酒盡花闌，京洛風流仔細看。

又

一年歌舞，還是花尊綠處。雨橫風多，比似年時恨若何。簾深酒暖，細雨斜風渾不管。只有黃花，欲近佳人鬢畔鴉。

又

送人南浦，日日客亭風又雨。相見如何，梅子枝頭春已多。真成別去，酒病明朝知幾許。淋損

宮袍都是人人醉後嬌。

又

屈亭湘浦怨盡朝雲還暮雨。知是誰何。賦得清愁爾許多。愛來慵去。此意平生。成浪許。著盡茸袍。想見江梅雪後嬌。

又

亂雲縈浦。做雪不成。還是雨。知我爲何。一笑仍添一恨多。不須歸去。琥珀杯深。能幾許。草色如袍。記取從今舞處嬌。

鵲橋仙

來時夾道。紅羅步障。已換青絲翠羽。春愁元自逐春來。卻不肯隨春歸去。千觴美酒。十分幽事。歸到只愁風雨。憑誰傳語牡丹花。爲做取東君些主。

又（正月廿三日秀野堂作）

江梅仙去。臘梅風化。只有細梅呈秀。不知春在阿誰邊。試與問青青楊柳。小園幽事。中都風味。鬪草分香如舊。東風莫漫送扁舟。爲管取輕寒羅袖。

又（送路勉道赴長樂）

留花翠幕。添香紅袖。常恨情長春淺。南風吹酒玉虹翻。便忍聽離絃聲斷。乘鸞寶扇。凌波微

步。好在清池涼館。直饒書與荔枝來。問纖手。誰傳冰盃。

又 紅白二色蓮

藕花塘上。無塵無暑。澹澹一池秋韻。綠羅寶蓋。碧瓊竿。翠浪裏。亭亭月影。一家姊妹。兩般梳洗。濃淡施朱傅粉。夜深風露逼人寒。問誰在。牙牀酒醒。

菩薩蠻（同飲晁伯如家席上和韓元咎韻）

雪中梅豔風前竹。詩緣漸與情緣熟。醉眼眩成花。惱伊生臉霞。巫雲將楚雨。只恐翻然去。我有合懽杯。爲君聊挽回。

又

雨聲不斷垂簷竹。清歌喚起清眠熟。洞戶有餘花。同傾細細霞。酒行如過雨。雨盡風吹去。吹去復盈杯。一春能幾回。

又

繡羅裙上雙鴛帶。年年長繫春心在。梅子別時青。如今渾已成。美人書幅幅。中有連環玉。不是只催歸。要情無斷時。

又

倚闌閒撚生綃扇。新涼庭戶微風轉。疎雨斷簷聲。淡雲開晚晴。蕉漿寒浸齒。枕簟清如冰。相

憶不勝愁月來簾上鉤。

又（集句）

青青背我堂堂去。桃花亂落如紅雨。是妾斷腸時。芳心空自持。相思君助取。脈脈如牛女。天遠暮江遲。今宵歸不歸。

蝶戀花（贈別趙邦才席上作）

堂外溪橋楊柳畔。滿樹東風。更著流鶯喚。時節清明寒暖半。秦箏欲妒歌珠貫。一寸離腸無可斷。舊管新收。盡記雙帷捲。賴得今年春較晚。送人猶有餘紅亂。

又

雪裏珠衣寒未動。雪後清寒。驚損幽帷夢。風撼海牛簾幕重。畫簷冰筍如流汞。一種香雲佳客共。溜溜金槽。政爾新詞送。酒戲詩闌忙百中。燭間有箇人非衆。

琴調相思引（臨別餘干席上作）

拂拂輕陰雨麴塵。小庭深幕墮嬌雲。好花無幾。猶是洛陽春。燕語似知懷舊主。冰生只解送行人。可堪詩墨。和淚漬羅巾。

又

曾臨姑蘇俄上臺。好山知有好人來。幾回徒倚。月裏暮雲開。閑倚和風千步柳。倦臨殘雪一

枝梅暖香高燭。翻動道人灰。

杏花天

風韶雨潤催花候。歎無限年年常有。桃蹊杏陌相期久。一爲東君試手。匆匆去那人信否。襟淚漬粉香依舊。單衣裋酒重來後。好與看承人瘦。

又

當時衆裏開新曲。拚一醉移舟換燭。清波快送千帆幅。十里披烟泛玉。誰知度春寒夜獨。常寄恨花闌漏促。西風渡口蓮堪束。一枕新涼會足。

浣溪沙(題扇)

冰練新裁月見羞。墨花飛作淡雲浮。宜歌宜笑不妨秋。約腕半籠衫草碧。洗妝初失黛蛾愁。嫩涼輕暑奈風流。

又

過雨園林綠漸濃。晚霞明處暮雲重。小橋東畔再相逢。睡起未添雙鬢綠。汗融微退小妝紅。幾多心事不言中。

又

菊已開時梅未通。似寒如暖意融融。情視語妙一杯中。歌舞欲來更理。林泉有樂政須同。好

詩多味酒無功

又

渺渺東風泛酒船。月華爲地酒爲川。春于紅藥更留連。雲路功名方步步。草廬松竹自年年。他時人說二疎賢。

又

花下憑看月下迎。避人私語臉霞生。畫堂紅燭意盈盈。病酒一春愁與睡。倚闌終日雨還晴。強移心緒作清明。

又辛卯會黃運屬席上作

人意歌聲欲度春。春容溫暖勝於人。勸君一醉酒如澠。梅子枝頭應有恨。柳花風底不堪嚙。蓋公堂下淨無塵。

虞美人（九月飲樂風亭故基）

煙空磴盡長松語。佳處遺基古。道人乘月又乘風。未用秋衣沈水換熏籠。兩峯千澗依稀是。想像詩翁醉。莫驚青蕊後時開。笑倒江南陶令未歸來。

又

淩虛風馬來無迹。冰淨山光出。松間孤鶴睡殘更。喚起緜簫飛去與雲平。新亭聊共豐年悅。

一醉中秋月江山擬作畫圖臨樂府翻成終勝寫無聲

又（罷官嘉禾張忠甫諸公置酒舟中作）

蘭畦梅徑香雲繞長恨相從少相從雖少卻情親不道相從頻後是行人行人未去猶清瘦想見相分後書來梅子定嘗梅記取江東日暮雨還雲

南鄉子（同韓子東飲在德台新樓）

風露晚珊珊洛下湘中接珮環急把一杯相勞苦雲端只恐冰肌亦自寒二客共闌干潏潏鯨波吸未乾待得月華移十丈乘桴更上層樓極處看

又

濃綠暗芳洲春事都隨芍藥休風雨只貪梅子熟鸚鵡卻送行人一夜秋新月幸如鉤二五還催玉鑑浮一段離愁溪樣遠悠悠只是溪流淺似愁

又（集句）

窗戶映朝光花氣渾如百和香卽遣花飛深造次茫茫曲渚飄成錦一張相憶莫相忘並蒂芙蓉本自雙草色連雲人去住堪傷海上尖峯似劍鉞

畫堂春（飲趙淵卿容光堂）

倡條繁蒂綠層層解衫扶醉同登暝雲無樹亦峻嶒紅袖深憑病思去春饒睡醉魂因酒思

冰夜涼星斗挂修蓂。歌盡香凝。

又

滿城風雨近重陽。夾衫清潤生香。好辭廣盡楚天長。喚得花黃。客勝不知門陋。酒新如趁春狂。故人相見等相忘。一語千觴。

摘滴金（送路彥提赴饒興）

澄溪暝度輕澌白。對平湖澹煙隔。我與征鴻共行人。更張燈留客。東園半是餘花迹。料仙帆到時發。若倚江樓望清淮。爲殷勤鄉國。

青玉案（贈勉道潛道人）

當年萬里龍沙路。載多少離愁去。冷壓層簾雲不度。芙蓉雙帶。垂楊嬌髻。絃索初調處。花凝玉立東風暮。曾記江邊麗人句。異縣相逢能幾許。多情誰料。琵琶洲畔。同醉清明雨。

沙塞子

春冰綠波南浦。漸理棹行人欲去。黯消魂柳上輕煙。花梢微雨。長停放舫無計住。但芳草迷人去路。忍回頭斷雲殘日。長安何處。

臨江仙（和洪景廬送行韻）

憶著舊山歸去樂。松筠歲晚參天。老來慵似柳三眠。從教官府冷。甘作地行仙。青瑣紫微追

昨夢扁舟已具猶憐有情如酒月如川爲君忘飲病更擬索茶煎

又(席上次先明韻)

潦冰似譏酒淺秋雲如妬蟾明幽人聞雁若聞鶯更長端有意菊晚近無情詩學笑中偷換
燭花醉裏頻傾羅衣迴立可憐生五湖雖好在客意欲登瀛

鷓鴣天(白鷺亭作)

天外秋雲四散飛波間風艇一時歸他年淮冰東邊月猶爲登臨替落暉
誇客勝數星稀晚寒拂拂動秋衣酒行不盡清光意輸與漁舟睡釣磯

又(送王漕侍郎奉事)

渺渺東風拂畫船不堪臨雨落花前清歌只擬留春住好語頻聞有詔傳
春望月鏡湖天養成英氣自當年兩山總是經行處獻納雍容定幾篇

又(爲韓漕元咎壽)

憶醉君家倚翠屏年年相喜鬢毛青誰知緩步從天下猶許清彈此地聽
揮羽扇寫鵝經使星何似老人星幾時一試薰風手今日桐陰又滿庭

清平樂(建安泛舟作)

新寒一段變盡人間暖說與羣花花不管只有江梅情亂
江梅也似山人山人到老梅親斗

撒衣冠氣象。百般歸去精神。

又（席上贈人。○花庵作闕思）

桃根桃葉。一樹芳相接。春到江南三二月。迷損東家蝴蝶。殷勤踏取青陽。風前花正低昂。與我同心支子。報君百結丁香。

眼兒媚（建安作）

儂家風物似山家。梅老鬢絲華。幾回記得。攀翻琪樹。醉帽欹斜。冷香不斷春千里。歸路本非賒。有人卻道。使君猶健。看徧餘花。

永遇樂（陪程金粉羅馬用其韻）

杜曲桑麻。橋瀾風雪。歸夢無路。馬健凌秋。人間玩日。聊用寬遲暮。搖搖羽扇。翩翩鳬鳥。勝處恍疑仙去。笑相看。風林露草。古來有誰知趣。黃公壇下。山陰亭畔。歲月著鞭如怒。出塞功名。入關游說。紙上俱難據。論詩說劍。尊前風味。天巧卻容人覩。問少陵。酣歌拓戟。爲誰獻賦。

訴衷情（雨中會飲賞梅燒燭花抄）

洗妝傲舞。傍清尊。霏雨澹黃昏。殷勤與花爲地。燒燭助微溫。松半嶺。竹當門。意如村。明朝酒醒。桃李緜山。心事誰論。

又

江梅初試兩三花。人意竟年華。春工未敢輕放，深院擁吳娃。
翻酒戲，醉人家。舊生涯。而今且趁便面斜陽，莫照紅紗。

千秋歲

杏花風下，獨立春寒夜。微雨度，疎星挂。暉暉濃豔出，嫋嫋繁枝亞。
朱檻倚輕羅，醉裏添還卸。寂寞情猶乍，悵望聯鸞駕。衣褪玉香欺麝，一花拚一醉，
杯重憑誰把。春去也，重簾翠幕人如畫。

風入松（杏花）

傳聞天上有星榆。歷歷誰居。淡煙暮擁紅雲暖，春寒乍有還無。
作態似深仍淺，多情要密還疎。移尊環坐足相娛。醉影憑扶。
江南歸到雖憐晚，猶勝不見踟躕。儘拚綠陰青子，憑肩攜手如初。

茶瓶兒（上元）

澹月華燈春夜。送東風、柳煙梅麝。寶釵宮髻連嬌馬。似記得、帝鄉游冶。
悅親戚之情話。况溪山坐中如畫。淩波微步人歸也。看酒醒、鳳鸞誰跨。

祝英臺近（春恨）

獸金寒。簫玉潤。梅雪印苔絮。春意如人，易散苦難聚。幾多絲竹深情，
池塘幽夢，猶倚賴與春同住。舊游處。誰喚別浦仙帆。風前問征路。
煙雨連江，吹恨正無數。莫教紫燕歸來，彩雲開後，空悵望主人輕去。

五綵結同心（爲淵卿壽）

人間塵斷雨外風。回涼波自泛仙槎。非郭還非壑。閑鶯燕時。傍笑語清佳。銅壺花漏長如線。金鋪碎香暖簷牙。誰知道東園五畝。種成國豔天葩。主人漢家龍種。正翩翩迴立。雪紵烏紗。歌舞承平舊。圍紅袖。詩興自寫春華。未知三斗朝天去。定何似。鴻寶丹砂。且一醉朱顏相慶。共看玉井浮花。

瑞鷗鴂（爲續壽）

芙蓉池館一重重。留得黃花壽罍中。春到小春如有信。日臨良月正相同。芝蘭美應瑤階瑞。蘋藻香吹翠沼風。此夜隔牆聞鳳管。人間元自勝蟾宮。

月中桂（送杜仲微赴闕）

露醕無情送長歌。未終已醉離別何如暮雨。釀一襟涼潤。來留佳客。好仙侵座碧。勝昨夜疎星淡月。君欲翩然去。人間狂許。員嶠間帆席。詩情病非疇昔。賴親朋對影。且慰良夕。風流雨散。定幾回腸斷。能禁頭白。爲君煩素手。荐碧藕。輕絲細雪去。去江南路。猶應水雲秋共色。

蒲庭芳（道中憶錢塘舊遊）

雲暖萍漪。雨香蘭徑。西湖二月初時。兩山十里錦繡照金羈。柳外闌干相望。弄東風倚徧斜暉。朋遊好。亂紅堆裏。一飲百篇詩。三年江上夢。青衫風日。白紵塵泥。聽幾聲黃鳥。粵樹閩溪長。

是春朝多病。今年更添得相思。須歸去。倦遊滋味。猶有箇人知。

水龍吟

春溪漠漠如空。望中只與新愁去。何知尚有。煙間餘怨。洛津閑賦。已瘦難豐。久離重見。好春如許。念海棠未老。荼蘼欲吐。且莫恨。風嫌雨。休問無情水驛。載幽懷。小橈輕舫。君看睡起。平階柳絮。入門花霧。才盡無奇客。殘如掃。一尊誰舉。恨行雲斷後。祇應夢裏。有澄江句。

如夢令（蘇花）

鴛瓦初凝霜粟。冰笳旋裁春玉。巧思化東風。喚省蕊紅枝綠。清淑清淑。會有蜂棲蝶宿。

又

嫩柳眉梢輕蹙。細草煙凝堪掬。爭似小桃穠。酒入香肌紅玉。清馥清馥。不覺花闌漏促。

蕊珠閣

浦雲融。梅風斷。碧冰無情輕度。有嬌黃。上林梢。向春欲舞。綠煙迷晝。淺寒欺暮。不勝小樓凝佇。倦游處。故人相見易阻。花事從從今數。片帆無恙。好在一篙新雨。醉袍宮錦。畫羅金縷。莫教恨傳幽句。

念奴嬌

雨斜風橫。正詩人閑倦。淮山清絕。彈壓秋光江萬頃。只欠淩波羅襪。好事幽人。憐予止酒。著意

溫瓊雪。翠帷低捲。怪來飛墮初月。涼夜華宇無塵。舞裙香漸暖。錦茵聲闌。不分金蓮隨步步。誰遣芙蓉爭發。賴得高情湘歌洛賦。稱作西風客。爲君留住。不然飄去雲闕。

憶少年

逢春如酒。逢花如露。逢人如玉。東風送寒去。蔚溫溫香穀。海上三山元似粟。試招來共藏金屋。與君醉千歲。看人間新綠。

思佳客令

天似水。秋到芙蓉如亂綺。芙蓉意與黃花倚。歷歷黃花矜酒美。清露委山間。有箇閒人喜。

惜分飛（送江鳴玉歸烏墩）

相與十年親。且舊一笑天涯攜手。霜際寒雲逗。去年情味君思否。遠水無情冰不就。好在尊前眉岫。腸斷東南秀。淡煙疎月梅時候。

絳都春（別張子儀）

平生相遇。算未有笑語。聞山佳處。舊日文章。如今風味渾如許。眼前都是蓬萊路。但莫道有人曾住。異時天上種種風流待君如故。此自君家舊物。看九萬清風爲君掀舉。舉上青雲。卻憶梅花如舊否。故人衰病故無緒。只種得梅花盈圃。待君一過。山家共斟露醕。

小重山

春日歸來如許長。不知償此意幾何觴。老人臨酒興猶狂。溪山主終不道山王。一雨能耕桑。平生懷喜處是吾鄉。與君花底共風光。春莫笑花不似人香。

隔浦蓮

西風吹斷羅草。來度芙蓉老。座上人誰在。晨參疎影相照。幽館寒意早。簷聲小。□□□醉語秋屏曉。相攜勝處。黃花香滿烏帽。如今將見。璧月瓊枝空好。準擬新歌待見了。不道些兒心事還腦。

賀聖朝

一江風月同君住了。不知秋去。賞心亭下。過帆如馬。墮楓如雨。相將莫問興亡事。舉離觴誰訴。垂楊指點。但歸來有溫柔佳處。

念奴嬌（建安錢交代沈公雅）

棠陰綠徧。正金菊芙蓉。爭放時節。滿路歌謠民五袴。底事逢車催發。結綵成門。攀轅臥轍。何計留連得。故園花柳。盡成憔悴難說。今夜祖席郵亭。主人來日。已是朝天客。旌旆匆匆從此去。□賞□湖風月。眷戀無因。笑啼不敢。那忍傷輕別。瀛洲難駐。一杯聊送行色。

點絳脣（途中逢管仲）

憔悴天涯。故人相遇情如故。別離何遽。忍唱陽關句。我是行人更送行人去。愁無據。寒蟬鳴。

處回首斜陽暮。

轉調踏莎行（踏雪人生日）

宿雨纔收餘寒尙力。牡丹將綻也。近寒食。人間好景。算仙家也惜。因循盡掃斷。蓬萊跡。舊日天涯。如今咫尺。一月五番。共懽集。些兒壽酒。且莫留半滴。一百二十箇好生日。

瑞鶴仙

氣佳哉。壽域正曉。松呈翠。早梅施白。良辰值良丹。看景星朝覩。洗空霜潔。珍圖瑞牒。仰天心。鍾在俊傑。向人間。化作如膏甘雨。莫放春歇。堪憶三吳樂事。畫戟凝香。舞衣回雪。風流勝絕。尊中酒。坐中客。問今年何事。騎鯨南去。久矣湘楓下葉。早歸來。應取千齡鳳池舊列。

看花回

端有恨。留春無計。花飛何速。檻外青青翠竹。鎮高節凌雲。清陰常足。春寒風袂。帶雨穿窗如利鏃。催處處。燕巧鶯慵。幾聲鉤輈叫雲木。看波面垂楊蘸綠。最好是風流煙沐。陰重熏簾未捲。正泛乳新芽。香飄清馥。新詩惠我。開卷醒然欣再讀。嘆詞章過人華麗。擲地勝如金玉。

好事近

一沮寄江干。十載山青冰碧。山冰大無餘意。有故情難識。故情難識。有誰知。衣殘更頭白。別後是人安穩。只楚吳行客。

賀聖朝

河陽桃李開無數。待成春歸去。小園幾月忽驚飛。恨主人難駐。雛鶯乳燕愁悲語。道留君不住。願君隨處作東風。與羣花爲主。

浣溪沙（張宜興生日）

花縣雙鳧縹緲仙。家庭椿樹正蒼然。斑衣舉酒大人前。嫋嫋涼風供扇枕。悠悠飛露濕叢萱。醉扶黃髮弄曾玄。

又

水到桐江鏡樣清。有人還似水清明。尊前無語更盈盈。翠袖舞衫何日了。白頭歸去幾時成。老來猶有惜花情。

菩薩蠻

佩環解處妝初了。翠娥玉面金鈿小。萼綠本仙家。天香誰似他。芳心真耐久。度月長相守。歲晚未能忘。相期雲水鄉。

眼兒媚（王漕赴介庵賞梅）

黃昏小宴史君家。梅粉試春華。暗香素蕊。橫枝疎影。月淡風斜。更燒紅燭枝頭桂。粉蠟鬪香奢。元宵近也。小園先試。火樹銀花。

江城子(上張帥)

春風旗鼓石頭城。急應兵。斬長鯨。緩帶輕裘。乘勝討蠻荆。蠲聚蜂屯三十萬。爭面縛。向行營。舳艫千里大江橫。凱歌聲。大羊驚。尊俎風流。談笑酒徐傾。北望旄頭今已滅。河漢淡。兩台星。

西江月(爲壽)

搗玉揚珠萬戶。瞻眉高髻千峯。佳辰請壽黑頭公。老稚扶攜歡動。借問優游黃綺。何如強健鸞龍。觥船一棹百分空。澆潑胸中雲夢。

千秋歲(外姑生日)

柏舟高燭。晚歲宜遐福。門戶壯疎湯沐。青袍圍白髮。瑞錦纏犀軸。仙桂長。交柯卻映蟠桃熟。縹緲長生曲。入破笙簫逐。香霧薄。菲華屋。玉鉤涼月挂。水麝秋蕖馥。千萬壽。酒中倒臥南山綠。

虞美人

斷蟬高柳斜陽處。池閣絲絲雨。綠檀珍簾捲猩紅。屈曲杏花蝴蝶小屏風。春山疊疊秋波慢。收拾殘針綫。又成嬌困倚檀郎。無事更拋蓮子打鴛鴦。

又(劉帥生日)

疎梅淡月年年好。春意今年早。迎長時節近佳辰。看取袞衣黃髮畫麒麟。酒中倒臥南山綠。起舞人如玉。風流椿樹可憐生。長與柳枝桃葉共青青。

瑞鷓鴣

榴花五月眼邊明。角簾流冰午夢清。江上扁舟停畫漿。雲間一笑濯塵纓。主人杯酒留連意。

豆葉黃

粉牆丹柱柳絲中。簾箔輕明花影重。午醉醒來一面風。綠蔥蔥。幾顆櫻桃葉底紅。

念奴嬌 中秋

姮娥萬古。算清光常共。山清水綠。我欲逢萊風露頂。眇視寰瀛一粟。攜手羣仙。廣寒遊戲。玉砌琉璃屋。歸來一笑。葛陂還訪騎竹。此夕縱飲清歡。敗寒輝萬丈。快如飛瀑。傾倒銀河斟斗杓。莫問人間榮辱。獨倚闌干。浩歌長嘯。驚墮雲飛鶴。亂呼蟾兔。搗霜爲駐顏玉。

水調歌頭

山色望中好。□氣□□。連峯疊巘極目高。下與雲平。三洞沈沈何處。玉清洞在溪水中。隱映一溪烟樹。倒影碧波。喚起騷客。丹竈夜光橫。□□捲□風□□□。明佳人爲我垂手。淒怨理秦箏。千載虹橋新路。依約慢□歌舞。一醉話浮生。但得尊盈酒。莫問世間名。

臨江仙 黃美善

十載長安桃李夢。年來鏡淨塵空。忽傳綵筆小牋紅。滿懷秋思。傾到爲芙蓉。莫恨霜濃開較

晚尊前元有春風。酣嬌肯爲別人容。試搗銀燭，斜照綠波中。

喜遷鶯

登山臨水正桂嶺瘴開。蘋洲風起。玄鶴高翔。蒼鷹遠擊。白鷺欲飛還止。江上澄波似練。沙際行人如蟻。目斷處。見遙峯蹙翠。殘霞浮綺。千里關塞遠。雁陣不來。猶把闌干倚。數疊悲笳。一行征旆。城郭幾番成毀。白塔前朝。廢陵青嶂。故都營壘。念往事。但寒煙滿目。秋蟬盈耳。

鷓鴣天

（羊城舊名京口。天下最號都會。風軒月館。黠姬角妓。倍於他所。人以羣仙目之。因列十名於後。各賦一闕。）

蕭秀

有女青春正及笄。蕊宮仙子下瑤池。簫吹弄玉登樓月。絃撥昭君未嫁時。雲體態。柳腰肢。綺羅活計強偎隨。天然謫入羣花苑。占得東風第一枝。

蕭瑩

花動儀容玉潤顏。溫柔嫋娜趁幽閑。盈盈醉眼橫秋冰。淡淡蛾眉抹遠山。膏雨霽。曉風寒。一枝紅杏折朱闌。天台迴失劉郎路。因憶前緣到世間。

懿歐

月暝金□雲□。梳素娥何事下天衢。翩翩舞袖穿花蝶。宛轉歌喉貫索珠。簾翡翠。枕珊瑚。錦衾冰簟冰紋鋪。春光九十羊城景。百紫千紅總不如。

桑雅

雲暗青絲玉瑩冠。笑生百媚入眉端。春深芍藥餘煙拆。秋曉芙蓉破露看。星眼俊。月眉彎。舞狂花影上闌干。醉來直駕僊鸞去。不到銀河到廣寒。

劉雅

醉撚花枝舞翠翹。十分春色賦妖嬈。千金笑裏爭檀板。一搦纖圍間舞腰。行也媚。坐也嬌。乍離銀闕下青霄。檀郎若問芳筵記。二月餘風弄柳條。

歐倩

梅粉新妝間玉容。壽陽人在水精宮。浴殘雨洗梨花白。舞轉風搖菡萏紅。雲枕席。月簾櫳。金爐香噴鳳幃中。凡材縱有凌雲格。肯學文君一旦蹤。

文秀

綽約嬌波二八春。幾時飄謫下紅塵。桃源寂寂啼春鳥。春蓬島沈沈鎖暮雲。丹臉嫩。黛眉新。肯將朱粉汗天真。楊妃不似才卿貌。也得君王寵愛勤。

玉婉

未有年光好破瓜。綠珠嬌小翠鬟丫。清肌瑩骨能香玉。豔質英姿解語花。釵插鳳。髻堆鴉。舞腰春柳受風斜。有時馬上人爭看。破紅新窗絳紗。

楊蘭

兩兩青螺綰額傍。彩雲齊會下巫陽。俱飛蛺蝶尤相逐。並蒂芙蓉本自雙。
翻綵袖。舞霓裳。點風飛絮恣輕狂。花神只恐留難住。早晚承恩入未央。

吳玉

拂拂深帷起暗塵。清歌緩響自回春。月和燈市雲間墮。人對梅花雪後新。
杯掌露。舞衣雲。酒慵微覺翠鬟傾。洞房不厭陽臺雨。乞與游人弄晚晴。

總詠

一簇神仙會見奇。漫誇蘇小與西施。憐輕鏤月爲歌扇。喜薄裁雲作舞衣。
牙板脆。玉音齊。落霞天外雁行低。看看各得風流侶。回首乘鸞舊路歸。

介庵詞終

介庵詞跋

德莊名噪乾坤間。官至朝請大夫。直寶文閣。知建甯府。開府事。賜紫金魚袋。恩遇甚隆。而度量宏博。常戒趙忠定公曰。謹勿以一魁先置胸中。可想見其大概矣。余家舊藏介庵詞一卷。板甚精良。惜未得其全集。又有文寶雅詞四卷。中誤入孫夫人咏雪詞。又曾見琴趣外篇六卷。章次顛倒。贗作頗多。不能悉舉。至如席上贈人清平樂。昔人稱爲集中之冠。反逸去。可恨坊本之亂真也。湖南毛晉識。

中國文學珍本叢書

第一輯 第四十八種

中華民國廿五年九月初版

宋六十名家詞

戊集

普及本實價五角
特印本實價七角

撰著者

毛子

晉

校點者

施蟄

存

主編者

施蟄

存

發行人

貝葉山房


房

總經售

張靜廬

上海雜誌公司

上海總店：四馬路三三二四號
廣州支店：牙漢北路三三九號
南京支店：太平路一二四八號
開封支店：中山北街三八四號
雲南支店：土主廟街四十七號



購買

725

中華民國廿五年一月廿一日

收到

